

續修蠡縣志序

上海市歷史文獻圖書館藏

邑有志猶國有史也所不同者史邪正兼收褒貶並見志則有美無刺舍短取長而已然信今傳後下爲一邑之觀法上備史氏之採擇其所係豈淺鮮哉蠡縣志莫詳所始世所傳者以明兵備道錢君天錫所修之志爲古本

國朝順治辛卯知縣祖君建明續之康熙庚申知縣耿君文岱又續之迄今已幾二百年矣其間建置之興廢田賦之沿革職官之去來科目之履歷忠臣孝子名宦天文宗詩伯高人烈女之言行其待採於史

蠡縣志

序

氏夫豈不可勝數也若竟無志以紀之則舉此二百年來之人物事蹟竟聽其泯沒而不彰豈非一邑關事哉乙亥之夏余攝篆斯邑時省垣方纂修畿輔通志檄各屬續修縣志以備通志之考證余因急謀重修以徵故實而書既闕如欲詢其事故老亦罕有存者爲鬱抑者久之爰乃廣延文士開館纂輯採諸耆舊之傳聞證以書冊之紀載益以近日之事實歷數月而稿成雖紀述有詳畧風會有變遷古今人不必盡同要其信今傳後下可爲一邑之觀法上可備史氏之採擇者固與前志無異也夫採風問俗興廢隆

補殘闕牧令之責也工將竣余亦將解篆回省因畧述其顛末如此自時厥後邑之人閱此書景仰前徽其亦可以興起矣是爲序

光緒二年歲次丙子前署蠡縣事山左章邱韓志超撰

蠡縣志

序

二

續修蠡縣志序

周禮誦訓掌道方志以詔觀事志之所繫自古重之我

朝畿輔通志炳耀寰區迭經修纂誠以代久則無傳無傳則事蹟多湮今

大學士制軍李相國奉

旨

續修下檄採訪並飭通屬各修縣志歷有年矣蠡吾保

陽名郡也自劉漢以來城屢遷而名屢易其開山川井里土物民風鄉賢之遺徽名宦之政蹟以及匹夫匹婦一長足錄一節堪稱載於舊志者綦詳舊志刊

蠡縣志

序

三

於明子自康熙庚申續修後迄今二百餘年因革舉廢諸大端浩如烟海況丁卯戊辰之交小醜跳梁士女之捐軀盡節者不一而足安可聽其泯沒無傳乎乙亥夏余司鐸來蠡時邑宰韓公

鶴雲

山左名士也

慨然有志首唱捐廉而邑之紳商踴躍輸款遂於成材書院設立公局屬余勸其事爰邀集邑中名宿或司採訪或握槩鉛酌於舊志之中信者仍之譌者正之缺者補之複者刪之雖於二百四十餘邨之事蹟未及悉載若夫人物傑出嘉言孤行足以振古而鐸今者無不詳且盡焉每成一冊輒出以質余余生於

古瀛官廨瀛與蠡繡壤相錯得於童年耳食者猶彷彿一二且身任閒曹無民社之責無案牘之勞講求故實蒐輯遺文則固職分所當爲也因不揣謏陋時

與主稿諸君子朝夕過從參互考訂閒亦竊附已意事未歲而韓公卸篆新令何公

鳳五

同年踵行之修

飾潤色始付棗梨計此書之成已銷磨於葛裘一易矣然是舉也初始者前宰韓公也集成者今宰何公也補苴掇拾薈萃成書者邑中博雅諸公也余也何力之有所願覽是編者於其井疆分野可知幽冀沃衍之上腴焉於其遺俗流風如聞燕趙慷慨之餘韻

蠡縣志

序

四

焉於滄河之源委想見神禹之功焉緬紫微之浮騰恍觀仙宗之迹焉至於忠臣孝子烈士貞婦之行足以發潛德而挽頹風有裨於世道人心尤非淺鮮上以備通志之採擇下以資閭里之信徵自今以始隨時續修洵可與我

國家有道之長並永矣是則修志之意亦余之厚望也夫

肯

光緒二年歲次丙子嘉平月上澣特授蠡縣教諭古便陽張 璿書於本衙化雨講堂

總修

運同銜前署蠡縣知縣韓志超

知州銜特授蠡縣知縣何雲誥

協修

蠡縣教諭張璿

前署蠡縣典史孫金塘

分纂

舉人前署涑水訓導王其衡

進士前任曹縣知縣劉大壯

六品銜增生齊德香

蠡縣志 卷之一

生員劉化南

校對

歲貢生試用訓導張良謨

六品銜庠生齊會一

校刊

守備銜武舉齊畫一

六品銜武生郭殿一

採訪

歲貢生試用訓導祝經正

廩貢生前署南樂教諭楊廷鑑

附貢

品銜生

生高文林

員蕭鶴齡

附貢

生劉登甲

附貢

生翟振圖

千

總齊鏡源

生

員張允中

生

員彭宗誥

生

員賈朝宗

生

員李楷

生員候選主簿谷玉麟

蠡縣志 卷之一

生員魯金鐸

生員陳鳴岡

生員姜芸芳

廩生馮玳珍

生員石明鑑

生員吳瑩玉

監生朱心田

助刊

運同衙前署蠡縣知縣韓志超 捐銀壹百兩

永茂 當 捐錢壹百吊

興和 當 捐錢壹百吊

興聚 當 捐錢壹百吊

謙益 當 捐錢壹百吊

豫泰 亨 捐錢壹百吊

貢生齊太培 捐錢柒拾吊

生員齊昇平 捐錢柒拾吊

監生杜成德 捐錢柒拾吊

蠡縣志 卷之一 三

生員王璇 捐錢柒拾吊

武生姚叢桂 捐錢陸拾吊

監生朱徽典 捐錢伍拾吊

生員劉含章 捐錢柒拾吊

監生和位 捐錢肆拾吊

辛星光 捐錢肆拾吊

趙南州 捐錢肆拾吊

監生齊冠珍 捐錢肆拾吊

監生張九齡 捐錢肆拾吊

生員劉廣居 捐錢陸拾吊

領運千 總李宗奎 捐錢肆拾吊

武生張雲龍 捐錢肆拾吊

生員齊冠杰 捐錢肆拾吊

千總劉桂馨 捐錢肆拾吊

監生梁俊士 捐錢肆拾吊

劉文昭 捐錢肆拾吊

姜煥堂 捐錢肆拾吊

監生齊怡國 捐錢叁拾吊

援貢生蒼利情 捐錢叁拾吊

武舉楊培榮 捐錢叁拾吊



蠡縣志 卷之一 四


布政司理問朱桂芳 捐錢叁拾吊

童梅長庚 捐錢叁拾吊

生員朱履祥 捐錢叁拾吊


監生朱福祥 捐錢叁拾吊






縣志圖

三




縣志圖


四



聖廟圖





尊經閣書院圖



蠡志圖

卷之


五





蠡志圖

卷之

六







蠡志圖

九

重修蠡縣志凡例

一舊志無凡例茲以所修雖踵舊志而刪改頗多
不為發明恐株守舊聞轉滋疑議謹臚陳於左
期觀者鑒焉

一博陸侯霍光漢書注博大陸平取其嘉名實無
此縣於蠡固無干也又爾朱彥伯封博陵郡王
亦不應入蠡又太原侯郭克明曾任蠡州並非
蠡人舊志概入侯籍今皆刪之

一明主簿王得成訓導金維精已從祀名宦舊志
名宦傳中不載今照府志增入王得成傳金則

蠡縣志

凡例

無從查考者

一舊志趙廣漢傳抄錄漢書前半原文不知班
此傳前半極寫狙僧傾危之狀正蓄後半得畢
禍苗今刪兩段以歸法度方產志誤用漢書亦
悉改正

一舊志城池入方輿今歸建置陵墓附古蹟廟學
歸學校

一續志與舊志錯雜無章今皆歸併清楚俾閱者
一目了然

一舊志祀戎合志今歸戎政於道標改為祀典志

一舊志荒政一條係錢道設法救災之事今以嘉慶道光年屢行大賑足之事關民瘼不厭其詳賦役俱照新章舊志無庸復錄

一續志寬猛上下十數條皆知縣祖公自敘所行之事案牘諸件豈能一一登志乎芟之

一舊志卷數不均今仍十卷取其勻稱

一戊寅殉城諸公續志概入治蹟今歸之忠節

一舊志治蹟係本地之人出仕有事功者當收仕蹟

一仕蹟之中凡祀鄉賢者俱入名賢以昭區別

龜縣志

凡例

二

一同治六七年梟匪捻逆迭擾邑境士庶仗節死難在在有人增殉難一門而以甲申殉難舊志所遺之南章生馮澤冠之

一舊志節烈不分今分貞烈節孝爲二門不致相混

一舊志節婦寥寥今則併未旌者入之幾如負版矣然苦節幽芳正不可沒

一已旌節婦年例已合日久難稽似可從略未旌者必詳守節年分以俟旌表

一節孝無傳者先列已旌後列未旌俱以東南西

北四路由近及遠次第編錄不論年分之後先也閱者諒之

一舊志忠義併爲一條今另列義行雖微必錄以期不沒人善

一孝子與旌典則書不與則不書此正例也然而僅矣今考核實行無愧者表而錄之以式人倫

一官廨倉廩昔有今無者皆存舊模註明今廢

一河流今淤者亦各註明以誌滄桑

一舊志無隄防爾時尙未有隄也築隄年分已無可稽今甫經大修姑爲增補

龜縣志

凡例

三

一舊志無捐職今捐職亦請封典若以貲進而擯之似亦隘矣捐職另設一門封典則併歸科第

一舊志人物字號籍貫闕如無從稽查者仍之有則註之新採者亦然非有詳略之異也

一秩官貢舉二百年來邑志不修冊卷無存實難稽考雖不遺於近今終有憾於往昔疎漏之咎在所不辭

蠡縣志目錄

卷之一

方輿志 星野 沿革 山川 隄防



卷之二

方輿志 鄉社 市集 風俗 方產 古蹟 入景 陵墓 坊表

卷之三

建置志 城池 公署 倉廩 雜記

學校志 文廟 書院 義學

祀典志

畝籍志 賦役 戶口

蠡縣志 目錄

卷之四

爵秩志 侯籍 戚晚 名宦 秩官

卷之五

選舉志 徵辟 科第 舉貢 武科 武職 雜職 封蔭

卷之六

人物志 名賢 仕蹟 忠節 殉難 孝行 義行

卷之七

人物志 貞烈 節孝

卷之八

災祥志

荒政志

卷之九

藝文志 文 詩

卷之十

寺觀志

仙釋志

蠡縣志 目錄

蠡縣志卷之一

方輿志

禹貢職方及歷代史記方輿者詳矣蠡雖最爾邑然自漢爲侯封至明爲重鎮星野之所屬沿革之所系川則有源委岸則有隄防與夫鄉社市集之恬熙風俗方產之樸茂古蹟可傳八景可紀陵墓重其壟坊表彰厥宅蒞斯土者居今思古可以觀矣

星野

張平子靈憲渾儀曰衆星列布其以神著有五列

蠡縣志

卷之一

星野

焉是爲三十五名一居中央謂之北斗動變挺占實司王命四布於方爲二十八宿日月運行歷示吉凶五緯經次用告禍福則天心於是見矣星經曰斗第三星主冀州常以五戌日候之庚戌爲清河趙國夫斗者天之三辰綱紀星也遐邇幽暗靡不畢睹運帝車比三能斗柄所指卽爲月建陽明天陰周天之列宿環轉森布論星野者概不及之何也史記趙地昴畢之分野趙得涿郡之高陽莫州燕地尾箕之分野燕西有上谷東有漁陽南有涿郡北及渤海今保定河間皆所統舊志謂燕幽

州上谷入尾一度在蠡之北九十里其說甚隘上

谷廣九百餘里奈何以蠡測乎亡論龜魚傳說諸

星去極遠近不等卽尾九星去極一百二十七度

亦與漢永元銅儀唐開元游儀景佑測驗互異昴

畢亦然說者謂星一度幾三千里則當數郡不知

一度積有萬分一邑之分數亦非渺矣故蠡於燕

當尾於趙當昴畢亦約畧言之耳班史文帝後七

年九月有星孛於西方其本直尾箕末直虛危劉

向以爲尾宋地今楚彭城箕爲燕又爲吳越齊宿

在漢中負海之國水澤地則去之遠矣而宋衛陳

蠡縣志

卷之一

星野

二

鄭火劉歆亦以爲大辰房心尾俟有識者參焉

明兵備道錢天錫論曰蠡繫三宿皆與豐凶之數

兵刑之故相應尾九星明而穀熟歲星犯而穀貴

天江四星具而津梁通熒惑留而人相食填星入

而爲兵辰星入而爲疫昴星暈而趙地憂辰星守

而穀不成太白犯而六畜傷天苑六星明而芻蕘

貴罕車明而人人來月穿畢而歲饑盜起熒惑守

而道路絕予比年中夕不寐於虛實闕隘合散犯

守之故懔然懼焉遷固二史皆言中國爲陽陽則

日歲星熒惑填星占於街南畢主之夷狄爲陰陰

則月太白辰星占於街北昴主之故察日月之行
以揆歲星順逆察剛氣以主熒惑謹候厯斗之會
以定填星之位察日行以處位太白察日辰之會
以治辰星之位其在燕趙之地尤為親切四夷何
順之占矣
按後半所論於地方不切而關乎天下有苦心焉
存之邑志固不必詳星分也

沿革

世代 州部 郡國軍道路 州邑

蠡縣志 卷之一 星野 沿革 三

黃帝 蠡野分州
於涿鹿之阿
得百里之國
萬區蠡去涿
數舍延袤百
餘里亦大國
也

顧項 冀州顧項始
北至幽陵為
冀州蠡當幽
境之南

唐 冀州堯遭洪
分絕為十二
州使禹平水
土遷為九州
蠡仍屬冀

虞 幽州舜分冀
州地以
為幽并燕以
北為幽蠡在
南

夏商 冀州

周 并州周亦分
冀州之
地為幽并蠡
屬并州

戰國 趙國趙得涿
郡之高
蠡吾
陽鄉
州鄉

秦 中山國
上谷郡秦置
廣輪
蠡吾

蠡縣志 卷之一 沿革 四

漢 幽州部莽曰
垣翰
燕國 涿郡 蠡吾
博平君國 蠡吾

後漢 冀州部
涿郡中山國 蠡吾

晉 幽州冀州部
高陽國晉武
始元年置統
縣四戶七千
博陸高陽北
新城蠡吾
蠡吾

後魏 瀛州部
高陽郡
蠡吾有清涼
城顧項

北齊	東北道	城蠡吾城石 羊壘
隋 冀州部	河間郡	博野 蠡廢入 博野仍北齊 之舊有
唐	河北道	滿州 唐初入 滿州
		蠡州 武德五 年以博 野清苑定 州之義豐 置蠡
		州八年 復以博 野清苑隸 蠡
		州貞觀 元年博 野清苑隸 蠡
		州廢又 以博 野清苑隸 蠡
蠡縣志	卷之一	沿革
後唐		莫州 清泰三 年沒於 契丹後 周復之
宋太宗	河北東路	蠡
	永甯軍甯邊軍	博野
徽宗	河北東路	博野 知縣事 仍兼軍 事
金	河北東路	蠡州 金初為 蠡州
	博野郡軍	蠡州 天德三 年更為 蠡州領縣 一
	七年陞為甯 州博野郡軍	博野鎮 一新

元	直隸省部	真定路 元初 隸真	蠡州 至元三 年省司
	十七年	定領司 侯司 博野縣後 更	蠡 侯司博野 入
		易不常 至二 十一年 仍舊	
		隸真	
明太祖	北平布政司	保定府	蠡州 洪武八 年領高 陽縣
成祖	直隸省部		蠡縣 洪武十 二年復 置高陽 縣改 州為縣
國朝	直隸省部	保定府	蠡縣
蠡縣志	卷之一	沿革	六
錢天錫曰按縣舊志以地近瀛海汙下多蟲故名蠡府志謂其不在此明矣秦二世元年韓廣為趙畧地自立為燕王迨漢徙治上谷於沮陽其南地為燕國志載藏茶盧綰皆為燕王都蓟但非蠡邑專封且自琅邪王澤以來不勝紀矣今皆畧之王子貞故封已非境內存古陸成之名與往代諸城壘及淀若鎮並載俟好古者覽焉漢宣帝封博平君蠡博皆其食邑何以不書志稱後漢置蠡吾郡及考桓靈增六郡而蠡不與焉漢末罷還安平者卽博陵郡耳特拈出以正其誤			

山川

紫薇山在東和村府舊志云山隆阜不甚高大而奇特可稱登覽昔云有紫氣浮騰其上故名縣舊志云蠡平曠無山此亦僅一邱耳今則陵夷不可復識矣

泔河在孟嘗社舊志傳爲田文養客之處此河卽疏通其漬米水耳按通志在縣東二十里楊村河支流也亦入高陽界今淤

錢天錫曰孟嘗食客之處舊志頗言其無徵予嘗過薛想其好客自喜招致天下任俠姦人入薛者

蠡縣志

卷之一

山川

七

六萬餘家真於客無所擇矣戰國時趙北得涿郡之高陽鄭州鄉而蠡屬焉東有清河渤海與齊壤相接也故齊威王使盼子守高唐則趙人不敢東漁於河使黔夫守徐州則燕趙之人從而徙者七十餘家索隱曰徐州卽薛縣也賈逵曰說文作邾邾在薛縣司馬彪亦言魯國薛縣六國時曰徐州齊趙之客甯有此疆彼界哉孟嘗君不相虎狼之秦乎魏不聽犀首而相文子乎趙不封孟嘗君以武城乎孟嘗君聘楚過趙聞小丈夫語不減一邑而去乎主父以齊師滅中山非田文爲相之日乎

賢者不獨居一國安在趙之北際無孟嘗之跡也

小陳河自慶都入縣界經小陳村東流入安州今淤楊村河舊志本滋唐沙三河自三岔口合流逼洪善保村南呼爲楊村河東入河間後自蘭家園口北決繇玉田緒口劉氏入高陽安州新安雄縣達於任邱五官淀出青口門入海渰沒之害民甚苦之錢天錫曰嘉靖十一年九月巡撫都御史許公宗魯疏請修濬河道行天津道兵備使葛公本委真保河三郡守胡效才闕溥徐景嵩喻茂堅暨府佐霍淮吳道南田良陳瑞州守官一夔楊瑞鄭朝輔

蠡縣志

卷之一

山川

八

縣令李復初楊廷美合三府工役修濬河間故道蠡邑徵夫二千二百餘名次年五月告竣水四分入河間六分仍北決民害以息萬厯初河決於蠡之陳家臺北注高陽議爲坊以捍先是任邱田大司馬樂方爲御史亦有濬河疏後上命行河使者徐公貞明察瀕河宜秔稻條塍溝而有司以河流不常不宜蓄洩夫三河合流勢難壅塞疏濬與補築所宜並行參知劉公洪謨會奏記兩臺曰保定南受噶沱東鹿特甚北受唐滋沙三河清苑慶都神州蠡縣特甚而高陽新安安州尤居下流此萬

歷中年事也嗣是累年魃貉谿谷絕河流斷矣予
受事以來與前縣令謀疏故渠戛戛乎難之按部
所至四顧焦土惟高陽安州新安水淀迴環之地
萑葦未敗而蠡縣一片黃埃耳庚辰五月下浣急
雨如注溟濛浹旬殷殷有秋之望未及一月依然
槁壤繇無以貯之故也先是屢諭以刻鏤溝塍疏
通井洫亦託諸空言而已辛巳又旱至五月下浣
始雨子思廿年以前蠡民苦三河衝決然斥鹵磽
确一被浸灌遂爲沃野收皆畝一鍾今河口具在
築西桃村以塞黃流之虞開白氏莊以通下流之

蠡縣志

卷之一

山川

九

勢疏城南諸渠以防壅閼便灌注此百世利也漢
太守任延因河西舊少雨澤爲置水官吏修理溝
渠王景號能理水顯宗賜以山海經河渠書禹貢
圖與謁者王吳修渠築堤彼其鑿山阜防衝潰功
費頗艱鉅若蠡渠舊道直抵城下雖歲久不治而
因勢疏鑿力甚徑省第俟水到渠成則鄭國召杜
皆爲多事水排石洫盡可堙廢亦何用守宰爲哉
予嘗謂西北之田以水泉灌溉爲上朕故督亢之
名獨著今地既高仰天又竭澤遠遜東南沮洳矣
疏濬之法所謂裁成天地以左右民者也魏築千

金場五龍渠立一石人若腹若東西脇皆有紀其
畧曰後當興工宜就西磧有陵谷變遷之感者請
以茲志當立石云

涇水出靈邱高氏山南又東過博陵縣南蠡有陵陽
亭蓋古涇水所逕云卽今高陽之馬家河也府志
自饒陽縣鐵燈竿口溢出經流蠡縣至高陽延福
村渚爲淀復合流北至安州入白洋淀

唐水出中山城之西一統志云在唐縣西三十里源
自山西之靈邱經飛狐倒馬至唐縣境東南入祁
州與沙河合沙去唐十里自定州流入於滋河滋

蠡縣志

卷之一

山川

十

去沙五里源自山西抵無極經深澤入祁合二河
逕蠡吾遠高陽入白洋淀後徙清苑南界不與沙
滋合流今已久矣

以上舊志註明今淤今徙

沙河原名派河源出山西由祁州三岔口與涇滋二
水合經博野入縣界

照通志增入

滋河一名濱河源出山西自祁州三岔口合涇沙二

水經博野入縣界

照通志增入 山海經郭象注滋音慈

按縣之南河卽古之涇水也其後沙水滋水入焉
名楊村河又後唐水入焉四水合流遂成巨浸考
通志楊村河在蠡縣城南十里卽今河流處也自

雍正時已然舊志謂逼洪善保村南則明末以來河之北徙可知

國初築南北兩堤河流始得順軌又據舊志圖唐河在城南三里絡繹縱橫茫茫澤國今則盡爲平壤雖滄桑有變亦賴堤以束之也唐水併入沙滋已有年所後從三岔口以上北徙清苑境內今又從王盤村南支流入縣界縣北多村頗受其害蠡議築堤清苑起訟莫若從三岔口上游相度形勢興工疏濬使唐河仍歸舊流兩岸有堤安瀾可慶則蠡與清苑俱無水潦之苦矣

蠡縣志

卷之一

山川

二

又考通志縣之楊村河入高陽曰布裏河卽馬家河之上流也又入新安爲豬龍河顧項時有豬化爲龍故名新安南六十里龍化村卽其地也今南河概稱豬龍誤矣同渠異名考核宜審

隄防

民修業隄段落

南岸

自博野縣解村營交界起至東緒口村北高陽縣交界止計長六十二里一百二十八丈編號四十一段

第一段東柳青莊隄長二百五十二丈五尺

第二段收回肅甯協修隄長六十丈

自係肅甯協修今歸鮑堤村承修

第三段東柳青莊隄長二百六十二丈

第四段南高晃隄長二百六十四丈

第五段道西村隄長一百六十八丈

第六段常興莊隄長一百五十五丈

第七段東魏村隄長一百八十五丈

第八段福興莊隄長一百四十八丈

第九段劉家疇隄長二百二十三丈

第十段滑崗隄長七百五十五丈

蠡縣志

卷之一

隄防

三

第十一段蘭崗隄長五百八十二丈

第十二段花園頭隄長五十六丈

第十三段南莊隄長七十丈

第十四段南陳村隄長七十八丈

第十五段李家莊隄長一百六十五丈

第十六段賈莊隄長十二丈五尺

第十七段褚岡隄長八十九丈

第十八段張七村隄長二十丈

第十九段張七屯隄長四十四丈

第二十段西孟嘗隄長三百六十九丈